



8. november 2012

Inatsisartut Suleriaasianni § 37 imm 1 naapertorlugu matumuuna ima ittumik Naalackersuisunut apeqquteqaateqarpunga:

- 1. Aningaasaqarnermut naalackersuisup aappaagumut Inatsisartut aningaasanut inatsisissaata 2013-moortup tusagassiortunut katersortitsilluni saqqummiussinermini oqaatigaa angallannermut tunngasutigut aningaasaliissutit aammalu assartuussinermut ataatsimiititaliarsuup innersuussutai pillugit pingaarnersiuinissartik aningaasanut inatsisissap aappassaaneerneqarnissaanut ilanngunneqarumassasut allannguutisatut siunnersuuteqarnermikkut. Tamannali pisimannigilaq apeqqutigiumavaralu sumik tamanna peqquteqarnersoq?**
- 2. Inatsisartut qaqugu ilisimatinneqassappat assartuussinermut ataatsimiititaliarsuup innersuussutaanit Naalackersuisut pingaarnersiui neranut sanaartornissaannullu tunngasunik?**

(Aleqa Hammond, Siumut)

Tunngavilersuut:

Ukiualunni Naalackersuisut assartuussineq angallannerlu pillugu ataatsimiititaliarsuarmik pilersitsillutik sulititsipput taakkualu suliarfik naammassingamikku innersuussutinik saqqummiussipput ki-siannili ulloq manna tikillugu Naalackersuisut ataatsimiititaliarsuup innersuussutaanit suut pilersinniarnarlugit pingaarnersiui neranik tusagaqarata taamaattumik peqqutissaqartippaanga qulaani pineqartut apeqqutigissallugit.